

S628 (56) 0-18 11/7/27 K32/27 S. Naoo
Fines for assault.
Kato.

1

16

Fa Matebeleng a Mfatlha wa Maila ga se tiro e e tumileng thata ya kato fa go paka bakgalabje bo Ramosiye le ka bo Sesiya Matlhabe. Ramosiye monna wa Ntladi o re fa kato e ne e ka nna teng fa kgorong ya Rabohosi le Mmalebudi monna o na a ka tshinamiswa a ba a jelwa kgomo fela.

2

Mo ba ga Mfatlha ba ba agileng Metlhakeng le Solo kgosana ya kgoro ya Modimola e kile ya nna tshoko ya kato. Rangwane wa Sololo yo ba reng Molefe mmina noko wa Modimola a bo a disa dipholo nageng ka metlha, janong ka letsatsi le lengwe a disitse a tlhakana le kgarebjana ya Moima go thwe Mmapula le yona e disitse kgomo tsa lekgowa Peipi. Ke fa Molefe a nama a ikisa ko mosetsaneng a fitlha a umutsisa gore o disitse le mang dikgomo tsa ga Peipi. Fa mosetsana a mo bololetse gore o di disitse a le esi ka mono a name a tshware kgarebjana ka maatla a wisetse gatshe ma korago ga senkgu a e kate. Fa a sa go e kata a itsamaela le dipholo tsa gagwe, a nama a ya motseng wabo ka gore o na a nyet e mosadi wa gagwe. Janong ka Mmapula mosetsana wa Moima a re a itse Molefe pila a tlhwela a disitse dikgomo tsa Makgowa fela, e rile mantsiboya a di tthatlhella rangwane wa gagwe Sagi monna wa Moima a re go yena, Rangwane o re go bona nna motshagare ke tlotse ke tlhakane le Molefe rragwe Seletamo-tse ko nageng a disitse dipholo, e rile fa a mpona a tlogela dipholo a tla go nna ka go mo itse ka se ka ka mo weifa le go go-pola sepe. Fa a fitlha go nna a ntumedisa a ba a mpotsisa matsogo le gore ke disitse le mang. Fa ke sa na go mmolelela go-re ke nosi a nama a ntlolela a ntshwara ka thata a nkwisetsa gatshe a nkapola mesese, e le ka morago ga senkgu sesegolo. Sagi are go lo ile ngwana nkgonne. E rile fa bo o sa ka moso Sagi a tsaya patla a leba ga Modimola a fitlha a di bolella Molefe le mosadi le Mmadimakatso rma bona. Molefe a itatola monna wa Modimola a bolela fela gore o bone mosetsana fela ga

3

a ka a mo kata o na a mo boledisa ka molomo fela. Sagi a re ga
 go le jalo ke tla dire gore banna ba tle ba nkutlwise taba ena.
 Ke fa monna wa Moima a tloga a di isa go Sololo kgosana ya
 Modimola, a fitlha a mo anegela a re nna ke bone Mmapula a
 4 tla mantsiboya a mpolella gore maabane o tlhole a katilwe ke
 monna a le kana ka Molefe, janong ga ke ne ke tlile go utlwa
 taba go yena Molefe o ya itatola o ipaya nageng, mme janong ke
 tlile go wena gore banna ba tle ba nkutlwise taba ena gore
 Molefe le Mmapula ba bolele kgotleng. Ke fa Sololo a re go lo-
 kile, wena Sagi e re ka moso o tle le Mmapula nna ke tla
 tsebisa banna ba ba leng teng. E rile ka moso Sagi monna
 wa Moima a goroga le Mmapula mosetsana ya katilweng. Janong
 banna ba bothana, ga tla monna wa Monyeke Mmalephoi le Molamu
 monna wa Makakaba le Morogo wa Makakaba. Sagi a thoma a bolella
 banna kamoo dikgang di leng ka teng. Banna ba botsolosa Molefe
 thata, ba mo b lella gore ga go na mosetsana ya kana ya ka kalla-
 5 ng ramokete a re o nthile. Banna ba botsisa Mmapula thata,
 Mmapula a ba bolella gore ka nnete Molefe o na mo kwentse fa
 morago ga senkgu motshagare. E rile fa banna ba re sidio
 Molefe, mme Molefe a tlhoka mmuo. Monna Sololo a re o molato
 monna wa Modimola, o tsha kgomo o duela dingalo tsa ngwana
 moima. Molefe a nama a dumela jalo a ntsha kgomo ya pholo a
 re ke phoo-phoo di felele gona fa. Taba tsa nna fela jalo.

Esekiele monna wa Moima le yena a kata Rahaba Morongwane
 ko ga Mahomane. Esekiele o na a tswa ga Nkalafeng bojalweng
 a kopana le Rahaba fa nageng ke gona a betella kgarebe ye ka
 maatla a robala le yona. Kgarebe e reile e tsoga fa e boela
 6 gae ya fitlha ya di bolella Welemo rra yona. Ke fa monna
 Morongwane a lata Esekiele Moima gu Mahomane a fitlha a mo loka
 tsona. Esekiele ga a ka a ya kgakala le tsona a re o dirile jalo
 ka baka la go tagiwa. Ke gona a bolella Welemo gore o ka tla
 duela ponto tse tlhano. Esekiele o irile jalo a ntse a na le mo-
 sadi wa gagwe gona ga Mahomane fa dithabeng. Ba-Moima le ba-
 Modimola e ntse e le batsenella bogolo-golo fa Setshabeng sa

S. 628

K32/27

Maila. Go thwe ba tiholegile ga Mmapela ba-Moima, ba-Modimola
ba tiholegile Bopedi ga Mfatlha wa Maila.

Go thwe fa motho a na a sa itsiwe mme a kata ngwana wa
ditshaba le go bolawa ka melamu o ne a ka bolawa ga e sa le
maloba, a se ka a tihwa a sekiswa. Bakgalabje ba Mfatlha
ba re o na a ka tshwana le monna yo a ka tshwarwang a ikutswa
le mosadi wa monna.